

兩浙輶軒續錄

兩浙輜軒續錄卷九目

費 滄 吳 霽 袁 樹 董 誥 費南英

戴 璐 馮丹香 汪日章 浦 銑 呂濟蒼

樓上層 周顯訓 葉日綦 龔大鈇 何茹連

陳應昌 鄺 欣 潘學敏 高崇元 蘇許堂

朱 點 黃 湄 張 鈞 吳 騫 馮克家

袁錫瑚 鈕世楷 朱 復 胡 澹 程 綸

俞 萼 姚 觀 胡培因 施垂青 吳正方

戴 高 董 璘 葉 基 張志莪 高崇文

李念吳 黃 璧 吳 櫻 張應倫 張相韓

張 鷗 王 璐 胡廷梅 馮世魁 汪本良

梁 炳 柴一諤 戴信準 吳志健 趙大奎

錢胤飛 陳志學 徐純

兩浙輶軒續錄卷九

督學使者潘衍桐訂

費

漕

宇筠浦錢塘人乾隆癸未進士官至

體仁閣大學士諡文恪祀名宦鄉賢

蘇常州知府丁父憂服除補山西太原府知府有爭水

利者訟久不決令遵故道開渠以資分既渠成民建橋

其上曰費公橋旋由冀甯道累擢安徽巡撫尋調江蘇

兼署江督河督會豐工漫口賑災民蠲逋賦挑浚劉河

九千五百十二丈嘉慶丁巳調撫未幾復撫江蘇戊

午夏秋亢旱率屬步禱長謁赤日中三日天大雨郡人

士繪圖賦詩以頌之淮徐水患疏請以徐屬徵存漕米

就近散振公私交便已未擢兩江總督疏請整頓漕政

積弊條舉四事曰加惠疲丁曰嚴禁浮收曰痛懲紳棍

曰停止巡漕得區畫河務復混江龍鐵籠船之制先後

旨議行與河督吳敬區畫河務復混江龍鐵籠船之制先後

賞太

子少保銜癸亥內遷兵部尚書會河南衛家樓黃水盜

命往

山東查勘疏請培隄築壩挑南旺河各斗門及牛頭河

身洩汝歸河以濟重運又于兗沂泰濟各郡濬名泉四

百八十四挑挖袁口閘及運河漫口對岸灘面改挑引

河以利運由是漕船挽運無失事者丙寅以吏部尚

司片簡于費

卷九

費

漕

吳

齊

一

授體仁閣大學士戊辰年七十  
御書贊綸錫祉以賜己巳以失察三庫事革職留任尋降補  
賞還 兵部侍郎庚午補工部尚書辛未二月卒

蛟川包節婦詩

蒼松摧勁枝女蘿失所託憔悴當秋風枯條自纏絡哀哀寡  
婦心俯仰傷搖落遺腹有孤兒一綫何單弱貞心事鞠拊逝  
者如可作者翁况垂白黽勉奉羹臠何期天不弔祝融復爲  
虐劬勞信備嘗誰能恤憚獨熒熒三十年雙淚血枯涸慈烏  
毛羽豐悲鳴動寥廓恩暉蕩白日光明澈泉壑苦節或可酬  
綽楔雙金薤彫松有根莖豈繁老叢薄

吳

霽

字倬雲號竹堂錢塘人乾  
隆癸未進士箸晚翠樓集

杭郡詩續輯竹堂貫穿羣籍體大思精嘗讀書南屏萬  
峯山房時吾杭名宿丁吳杭厲諸老結社於萬峯月凡  
數集學使諸城寶公按臨浙西有國士之目癸未會試  
中式盛名滿都下四方名山大席引傾望其主持風雅

初住太平之翠螺後住金閭之平江造就後進指不勝屈文章最嚴法度而典碩渾厚胎息漢唐工書善畫筆底挾江山奇秀之氣高挹塵寰歿後羣從掇其殘稿名曰晚翠樓集

游齊雲作

愛山空復譜圖經使節欣依拜岳靈飛瀑雨餘穿地白亂松  
春老入天青誰從劫火參金像自有罡風闕石肩彈指浮漚  
更何似結茅檐下讀黃庭

黃龍洞是慧開卓錫處

浙瀝秋雨灑森爽古木交寺門石壁陡篆路風篁捎千年老  
藤枝屈曲蟠潛蛟人語響空谷日輪掛危巢當年卓錫人何  
似水上泡空餘面壁者寂寂昏復朝

然犀亭

日落江逾白山多不了青濤聲與松籟吹夢上孤亭倦客猶

高詠空潭自蟄靈蒼茫百戰地誰擬孟陽銘

重至青雲樓望敬亭山

不改青山影依然繞郡城春風一爲別秋月更多情舊夢空樓入新愁白髮生如何最良夜祇有露蛩聲

雪後放舟之鳳林寺小憩分得林字

舟乘殘雪放雲展半湖陰寺古畫長閉人來鐘遞音天花空綺語佛火冷山心多羨歸棲鵲蒼蒼松桂林舊名喜鵲寺爲鳥窠禪師道場

袁

樹

字香亭仁和人故從弟乾隆癸未進士官廣東肇慶知府

甲寅初夏陳東浦招同姚夢穀張雪鴻毛俟園馬雨耕

黃書厓徐芷庭讌集瞻園賦詩

地占無雙勝人欽第一流政因清自簡園以曲增幽謝傅雲藏墅庾公月滿樓蓬壺行可達何用海中求

雨足三春後風和四月天坐花開廣讌聽鳥代繁絃饌盛頻  
傾瓊簾疏薄籠煙高懷忘軒冕逸任接羅偏  
是最繁華處偏能絕世譁竹深狂迸筍樹異老生花水石無  
官樣樓臺入畫家薜蘿高不翦留取宿煙霞

觀音巖

突兀一峯孤俯仰羣山小深壑鎮潛鯨長空阻飛鳥直上接  
穹窿猶覺青未了石乳滴成枝倒挂玉龍爪洞戶啟山根飛  
樓駕雲表石旛自古今清磬無昏曉我欲拜南無六塵徒擾  
擾

董

誥字茂林富陽人乾隆癸未進士官至東閣大學士謚文恭

先正事略公館選後由中允

命直南書房乾隆四十四年由工部右侍郎

命爲軍機大臣

賜第西直門外



賞紫禁城騎馬五十一年臺灣平以戶部尚書  
命與二十功臣之列圖形紫光閣旋加太子太保銜五十六

年廓爾喀平

命與十五功臣之列再圖形紫光閣

高宗純皇帝並親為製贊嘉慶四年以東閣大學士恭理

太上皇喪儀晉太子太保以文華殿大學士恭題

高宗純皇帝神主加太子太傅

賞黑狐端罩七年三省教匪平

特子騎都尉世職十四年晉太子太師三月七十生辰

賜贊樞錫慶額

兩朝知遇一身肩之句二十三年再疏乞休十月薨

晉贈太傅尋入祀賢良祠

御製詩輓之  
賜祭葬諡文恭凡典陝西江西鄉試各一充會試副考官一

武會試正考官一其間凡

殿朝考試

御試翰詹及考試試差校文之役無弗與每三載考績

優敘有加在內閣學士丁母憂

命照前尙書梁詩正例來京內廷行走

高宗寶錄成

優獎及父邦達入祀賢良尤異數也先是文恪工繪事

御製詩題詠甚富公繼武

南齋進呈畫本  
兩朝並有題詠收入石渠寶笈三編

千叟宴

星聚南弧符丙見

壽星春見於丙是日丙辰適符瑞應肆筵

彤陛湖

家風作朋壽寓偕仙侶有象春臺驗化工廿一萬齡籌策衍

入宴三千叟共計二十一三千餘叟笑言同三千叟外其餘萬二千一百五十餘歲

得銀牌恩賜

授厄近檻趨踰便

優禮耆年仰

聖衷

需雲湛露荷

殊恩廣甸東廂十四番

臣自乾隆丁亥冬蒙內廷戊子正月卽叨與

恩入直茶宴聯句

至今歲已十四次杯比屠蘇先得

賜春敷靈壽早生溫大年普

錫兼中外

嘉讌榮叨更子孫

與千叟宴諸臣中其祖父有於康熙年間曾入宴者如內閣學士塔章阿之父嵩

祝等仰見

重熙積慶實為從古所未有

數典柏梁成百韻翠珉珍泐慶長存

紫光閣錫宴外藩恭紀

兵銷炎徼仰

威稜傑閣重開懋典仍五葉韶迎

金闕日萬方喜釋玉池冰南瀛東澗鳧趨集北漠西崑燕笑

承

仗轉簪毫賡

聖藻更欣王會卉皮增

階奠五葉先華春紫閣霽雲序列茵端爲

聖朝聲教訖欣看藩服笑言申丹青續繪光超古衛藏功成

捷奏新卽見勳銘陽布勒凱歌萬里達征人

費南英

字希文號道峯烏程人乾隆癸未進士官至內閣侍讀學士

癸卯使滇有懷孫潛邨先生

前主五華書院

五華山院鬱蒼蒼十五年申化雨長冊府別開吳下版刻五

先正文酒槽爭壓越州香先生善飲在滇不得越釀特召工

門牆已遍青雲彥謂李鶴峯中丞錢龍池侍郎教授猶仍白

髮郎晚以保薦充顧我昔曾呼小友不辭凝咽問蠻荒

戴

字敏夫號蕪塘歸安人乾隆癸未進

府志璐爲人謹飭奉職不求表異科第傳家四世進士

宸垣故事撰藤陰雜記以續日下舊聞之作又著石鼓齋雜

識吳興詩話鄉邦文獻賴  
是不墜詩亦風華典麗

大水行

并引

李肯菴先生守湖十年四經水患補救勞心壬午七

月作大水行存歸雲庵詩卷中

江外湖州最卑下

本顏魯公帖

大雨時行浸原野廣苕諸水湊城

南碧浪河填難注瀉全憑笠澤爲尾閭七二漚港成長渠慨  
自三江失疏瀹四萬餘頃多沙淤東江故道宋堙滅黃浦婁  
江須論列一宜急灑一宜淘叵耐吳淞先鯁噎此乃苕霅之  
津門瓜涇接吭青浦噴下流勿洩上流塞涇潦秋漲漫天吞  
賦財重地澤居半傍溪卽田隄卽岸雲波詭譎誰能當捲入  
狂瀾俱血汗九載中間四告凶緣知匯蓄水難容視彼黃河  
非海口龍門積石當填胸今年七夕風雨作翻倒銀河灌城

郭綺阡繡陌付洪濤老稚何能免溝壑蒿目思陳鄭俠圖哀  
鳴卽是往年徒問誰沒溺貽之害未修人事天難呼顛請曾  
經具博議千里郡民命所寄空言無補喚柰何是吾過也敢  
勿誌

陶然亭公讌詩

有序

吾湖公車雲集讌陶然亭由來已舊余自辛巳作客  
丙戌作主迄今四十度自來主人不逾十五今辛酉  
大會主者廿一人座有王姚二殿撰蔡毛張俞張五  
太史會元袁比部王寶華解元崔元朗科名鼎盛前  
此未聞躬逢嘉會率成四律以示同人

錄一

綠衣憶步曲江濱三世榮叨作主賓久羨後賢騰鳳采已看  
幾輩躍龍津鴻才竝擅無雙譽虎榜頻題第一人想得洛如

花爛漫五元

聯袂燦華茵

岷山洛如花郡有文人則生

馮丹香

字燕山號寶枝又號小山慈谿人

尹元煒曰先生操履醇篤持身潔白官閩時尤多惠政會將軍魁倫許奏全省虧空總督伍拉納巡撫浦霖俱以罪誅通省州縣官多被其禍先生亦幾不免卒繫閩以死人皆傷之

贈顧鑑沙

蕭然巾杖寄牆東萬卷圖書一畝宮不使琴樽虛歲月惟餘  
蘭竹養春風尋詩屐印苔斑綠點易殊分花影紅羨煞先生  
清趣足愧無長物寄郵筒

汪日章

字雲倬號首禾晚號遲雲世勛子仁和人乾

杭郡詩三輯首禾由中書入直樞垣兩從阿文成征逆回全活婦稚數千人復從福文襄征安南游擢卿貳開藩江左升撫粵西移節蘇垣聲施洋溢家居義井巷有春草堂頗具園林之勝老宿如丁龍泓吳西林周亦耕多與盤桓箸有書畫借觀錄

周亦庵示苦熱詩次韻奉答

牽拂塵勞病未能深寮結夏類枯僧沈酣定醉長平瓦消渴  
還思玉井冰珍簞含漪涼似水豪筵泥飲酒如澠獨憐負進  
蕭何屢一喝成盧得未曾

浦

銑字光卿號柳愚嘉善人乾隆乙酉拔貢著柳愚詩存

府志銑穎慧絕人博通今古尤長于詩古文詞足跡半天下所至名流傾倒著有歷代賦話二十八卷復小齋賦話三卷唐宋律賦箋註四卷百一集正續二卷

題許州山秋浦歸舟圖

一枝柔櫂劃涼煙雲水蒼茫興浩然好是米家書畫舫都將  
秋色上吟箋

我亦扁舟下潞河輸君先我泛滄波海昌舊是曾遊地他日  
觀潮訪薜蘿



呂濟蒼

字菱川諸暨拔貢

雜感

利翦翦桑條斯無萎枯慮烈火焚蓬根生意乃繁庶殺之以爲生恩膏在刀鋸不見善養馬害馬貴先去

樓上層

字更一號蓬萊東陽人乾隆乙酉拔貢著平江集蓬萊集

家傳略蓬萊性強記好劇談斥恆產之半購書爲文雄勁奧衍詩好用強韻爲長篇爭奇闕險朱文正視浙學以實學稱許阮文達撫浙俾纂修金華詩錄繼以輜軒采詩役

阮元序略古風律體均無儒響自非枕藉古名家必不能率爾操觚標此離眾絕技之觀

石碕巖元末處將石末宜孫遣其弟厚孫援婺爲明太

祖所擒其地在赤松門外

明月樓前煙亂飄石碕巖下梅花橋春風馬憐碧草細江雨鴉啄寒苔驕雲屯何處神仙窟海運驚來溟渤潮碧血至今

嗟石末暮原愁絕老鮫鞞

杪秋

古婺東頭水向西一竿浪迹寄莎衣江橋半捲蕭蕭竹石瀨  
初喧淺淺磯秋色每于船尾著夕陽還照浪頭飛逢人但說  
漁家樂稻蟹今年特地肥

苦節吟爲王母吳太君作

天巾婺東巖吐溜松根崛奇竹根瘦竹卽無心松有心苦節  
艱於補天漏壽山王公業書史河汾講解瑯琊秀鏗鯨吼虎  
來泮宮絕好文章爛星宿簪荆聘得吳氏女生是延陵子札  
後性能冰雪茶亦甘不道簞瓢巷皆陋陔危牀蓐夫不天落  
淮南木嗟長年子猶在腹僅三月無措歎甚人攀拳屋不一  
椽田一隴誓要立孤談周孔排月露清鶴骨高躍淤泥濁珠

光動降麟吐鳳才果奇倔強能製聱牙詩畢竟昂藏老寡婦  
部三元不人閒知石君朱公我夫子鑒朗碧穹神澈水躬從  
象罔掄夙遺龍領蚌胎判諸此歸來一萼開金萱以奉奠獻  
歆蘋蘩詎謂階天遽富貴衷聖了不淆羣言年當甲寅嗟再  
蹇天猶未定孤延喘子驚炊白婦不蘭登降居然蹙邦典太  
君曰否家卽屯地下要妥先夫魂豈容再傳嗣突斬僵皮爲  
室名門媛越乃無孫仍有孫越乃喪婦仍得婦織文問宇兩  
告功仗完天辣媧皇手歲事歆維故壽山燄赫烈日天中閒  
風淪玉不崑島泐雨落筠自湘山斑族本先慈老女弟獻言  
例得登堂啟乏身勞骨瘁皇穹分不隨人甘以醴

東陽竹枝詞

雨花三月東西崑雲葉一層南北礮著我扁舟歸未得夢燒

禪榻藕絲燈

三盃亭下雙魚寺八面山頭五指巖  
陡見池塘飛碧雨藕花香裏坐江南

鞭風秧馬行行出候日縑車軋軋鳴  
不道吳甯溪上柳絮飛要到洛陽城

周顯訓

字迪功號西亭東陽人乾隆乙酉拔貢官龍泉訓導著西亭詩鈔

鹿田聽雨歌

步出婺州城遙望長山麓昔有羽化人肩犁驅白鹿  
人仙鹿去幾何年浮煙漠漠橫原田西風蕭瑟秋雨集  
滴瀝聲聞虛枕邊高如飛瀑振林木低如微霰灑茅屋  
急如江潮拍岸來緩如澗水鳴深谷淒淒切切斷續生  
跳珠噴沫非一聲露溼林花開復落煙迷宿鳥愁還鳴  
我來懷古淨浮慮聽此跼蹐

不能去明朝探得洞天還蒼茫回首白雲處

葉日葵

字鶴仙西安人乾隆乙酉拔貢著焚餘集

徐崇炯序略鶴仙家貧嗜學以實行課徒貧者不受修脯乾隆乙酉膺選拔己丑

文廟會釋奠獻詩於大司成陸首以葵卷進晚年歸里主講鹿鳴書院多士依之著述遭回祿掇詩得數十篇名

曰焚餘集

宿石橋寺

中夜不成寐迎涼坐井桐溶溶窗濛月習習袂生風人靜道  
心長天清塵慮空伊誰持半偈高詠出簾櫳

龔大鈞

字品先號蘭契西安人乾隆乙酉拔貢著蘭契集

陳傳經傳略品先幼嫻庭訓篤於孺慕戚黨稱孝子性嗜學經史校讐寒暑不輟

天王寺古塔

練兒神易滅佛地日銷磨煙冷菩提樹風吹窳堵波野鷹頰

處立征鴈缺邊過賸有孤花秀斜陽挂薜蘿

何如連

字萃拔號吉茅江山人乾隆乙酉拔貢官廣東潮州知府著西綠草堂詩稿

縣志茹連由教習官知府所至有聲工書法出入歐褚顏柳臨池之暇雅喜吟詠

登水星樓

太乙樓高半接天望中須女舊山川溪流遠挾千峰雨暮靄  
遙連萬井煙古壁龍光騰劍氣上眞法象耀星躔一聲清磬  
浮雲外仙梵依稀勝管絃

陳應昌

字頌言青田人乾隆乙酉拔貢

混元峰

隔嶺聞疏鐘古寺尙雲際青松夾道二三里中有法雲相掩  
蔽直上峻嶒煙霞開層巖忽裂天爲摧當年絕壁長芝草赤  
松仙子雲車來人閒幾見變滄海殘碑斷碣無光采元鶴遙

遙去不還曩時老樹今猶在羽客霓旌久寂寥陰房鬼火風  
蕭蕭仙人遺石石四片劍光夜夜沖丹霄我欲乘風坐超忽  
身隨白鶴換凡骨鐵鎖高垂不可攀悵然還與山僧別

廊

欣字向榮諸暨歲貢官永嘉訓導

書東澗詩後

此君故是不凡材秋興頻吟費翦裁玉馬當年王子恨銅駝  
今日故人哀空藏書籍張舒國不幸期頤褚彥回贏得佳名  
傳浪子江南春好柳枝來

湖上

淡煙疏雨極蒼茫一角青山認鳳皇蟋蟀聲殘秋草歇劫灰  
消盡半閒堂

潘學敏

字閻仲號初晴錢塘廩貢官遂昌訓導著澄懷精舍詩稿

純廟南巡 杭郡詩三輯 閻仲篤 學有文行尤精書法應

召試

與修兩浙鹽法志喜述養生之論自號湛然道人

羅浮蝶歌爲秦小峴廉訪作

使君恤刑狂獄清訟庭寂寂蒿穠生薰風幾日南譎節忽報  
雙蛾繭中出平生好奇急走觀果然五彩紛斑爛使君謂我  
此仙種自與麥化葉變眞天淵翅如梁燕斜腰等嵯蜂窄層  
層閒紅紫隱隱暈金碧陋稱園客攜工訝天孫織華蟲質未  
奇慶雲光乍覲葛翁之衣麻姑裙四座擬議徒紛紛使君無  
事此燕坐對爾翔舞明朝噉吾聞羅浮離合本仙壘羣仙書  
銘人跡少安得騎汝直上三千六百丈滾滾塵寰一覽小證  
金仙而求大道

高崇元

字伯揚號愚亭錢塘諸生



沈赤然傳略君先世山陰後梅里考梅溪始遷杭州性  
孤峭好酒多所忤年四十五夢父痛戒之寤而斷酒例截  
蘇州歲丁未江南饑君上書瀋使請州無普濟堂倡捐  
潛備振議雖不果吳人胥巷請撫部諭勤巖商建屋宇  
地十餘畝於武林門外井巷走京師乞其友吳祭酒錫  
以棲貧乏事不憤而削髮走京師乞其友吳祭酒錫  
麒爲募疏徧謁官徵阮公笑謂曰此固儒者事也  
曷反初服義既歸會儀徵阮公笑謂曰此固儒者事也  
出反初服義既歸會儀徵阮公笑謂曰此固儒者事也  
葉前地復買地十畝於中正橋大銀街以次營建明年歲  
大禱卽嘉猷金泰吳懿善願湮共輸銀益以鹽引茶捐  
道傳朱嘉猷金泰吳懿善願湮共輸銀益以鹽引茶捐  
而堂成君之彈心力於是十年餘矣君旣日無遺財焉  
普濟堂先是又承父志任是十年餘矣君旣日無遺財焉  
楊振鎬曰愚亭先生少豪放工倚聲有靈石樵歌三卷  
中發憤爲善家貲巨萬盡出之創建普濟堂不不足乃  
披蘿入都謁鄉先達以底於成其他卹貧振乏修橋梁  
平道利濟之歸視胸尚溫教之得甦此尤爲人所難  
于僻巷命僕負之歸視胸尚溫教之得甦此尤爲人所難  
難故當時有高善人之目阮文達撫浙疏上其事準復  
冠儒

題許默齋太守蓮枝圖

風送新涼秋滿天沈霞影裏雁繩連松閒共坐翠微滴驚湍  
有時來石邊

嘉蔭檀欒映石陂一椽茅屋俯清池披圖想見高人誼曉日

初明荆樹枝

蘇許堂

字展亭仁  
和諸生

抗郡詩續輯展亭少工書其友黃相圃模嘗效之展亭  
曰君書他日必工且享壽考勿效吾書吾書非壽者相  
自知之而不能  
改也已而果然

同人觀龍興寺石幢分韻

咸洵志梵宇龍興稱巍奇兵火歷幾劫十寶無一遺尙餘古  
石幢經鑿陀羅尼舍利五十四珍重闕琉璃書生每好事朋  
簪協幽期青鞵踏凍草短鬢吹寒颺曲折穿僧寮吮筆摩經  
辭山骨失枯蘚積溜如乾飴流傳翻譯重跋涉波利師但因

誓願宏甯以名利爲序首述幻跡題額表拯危處士季良書  
筆勢妙參差神物有顯晦靈感不可知陵夷至于載訪古失  
舊基騰光傲氓俗聞在崇禎時信知法力大若爲吾輩貽拭  
目循諷久快意方熙怡將歸更徘徊萬樹明殢曦

朱

點字修其號古心仁和諸  
點生著春風草堂詩鈔

翟灝序略古心胸次灑然不爲翕翕熱躡蹙場屋數十  
年老爲塾師顏貌充粹嘗與余分輯湖山便覽一書  
黃模序略古心之詩精深  
華妙有南宋諸家之風

同西雍古泉觀水陸寺宋刻石幢

水陸寺界松塘裏昔日東坡曾宿此施生傳有蓮花幢屹立  
乃自南宋始雨淋日炙六百年里俗何人問存毀古泉癖嗜  
錄金石暇日招朋歷榛杞佛身蘚錯寺門敲銀杏兩株僵未  
死當階瞥見六尺強承趺缺齧沍泥滓周遭彷彿蠶頭文剡

拭爭先掬溪水摩挲滿半認偏旁會意多從畫腹指紹興之  
年三月八立石一行差可擬此外一如口被箝十讀纔通二  
三止我撫斯幢惋歎生世事滄桑難究揣光堯石經半摧殘  
填咽鴻都事亦已頑石倘非護宥大慈王得不一例移搗垣  
礎址

同人集虛白室殘梅花下分韻得昏字

兼旬春興撥一再集名園人淡坐忘夕窗虛月破昏詩從真  
處覓花以冷還存時有微風度酸香撲酒樽

黃

涓字容若號伊人仁和諸生

枕郡詩續輯臨汀雷學使鏹有人倫鑒每見伊人文輒  
加嗟賞詩格矯健晚益閑肆老而無嗣窮困以終篋衍  
叢破皆歸散佚

生平賦詩踰萬概付焚棄錢子唯傳索贖稿示以二詩

自訂平生困頓多，敢將硯礪付長歌。  
貧來杜甫愁難解，老去江淹恨未磨。  
酒盡狂徒搔首耳，花飛癡柰拊膺何。  
祇緣識得溫柔教，收拾牢騷入太和。

不唐不宋不元明，我乃清人著意清。  
春日對花多好思，秋風送燕有離情。  
東塗西抹誰家酒，一唱三歎平若箇箏。  
不禁自吟吟到老，幾曾用博後來稱。

張

鈞字石泉海甯諸生著石泉詩稿

杭郡詩三輯石泉品學兼優孫補山制軍摺往滇中以母老辭不赴授徒里門藉奉甘旨

周貞女詩

貞女名恆爲余婿周彤霞女字楊生貞一未嫁而生天恆誓以死殉戚黨力勸因往楊氏

守志同人憫之獎之以詩

此心如鐵守空帷，偕老今生願已違。  
兩處命名俱是識，貞恆合并示先幾。

吳

騫

字槎客海甯諸生

府志騫生負異稟過目成誦篤嗜典籍遇善本傾囊購

之校勘精審所得不下五萬卷築拜經樓藏之夙共陳

韻講遠誥之學所為詩文詞旨渾厚氣韻蕭遠晚益深造不屑為流俗之作

海昌備志槎客得宋刻本咸洎臨安志刻一印曰臨安

志百卷人家其風致如此嘗以妻病買婢至詢之良家

女也撫爲己女嫁之一時咸頌其厚德云

錢大昕序略吳君槎客聚書數萬卷顏所居樓曰拜經

蓋取東莞臧氏之例樓所儲書百氏具焉獨言經者統

於尊也周春曰槎客詩典雅清麗足藥空疎記初白先生云將

來我輩人人有集牽連附書必有傳者詩彙未梓亟望

大集之刊行也蒲褐山房詩話槎客少時所著國山碑攷極爲詳核又

喜搜羅宋元刻本如陶淵明謝元暉諸集皆取而重刻

爲祕寶

漢雁足鐙歌爲述庵司寇作

君不見咸陽青玉銷沈久七尺蟠螭希世有先生眎我六寸  
鐙清光徧照西湖柳攷工制度窮形模鶴脰高拳雙雁跗注  
膏未見安、音樣中規璧羨穿青蒲林華宮觀迷華飾恆滿

蓮枝虹運熄鹿盧龍虎非其匹黃鵠蹕蹕啜蘋食甘泉蓮勺

車宮榮貢金不待梁山銅五鳳黃龍飛上天誰歟更守宣王

軒得無巧匠菊與緩護建惟憑奄寺選漢書王莽傳丙者令

者主供張縮文斯篆錐畫沙蟲魚細瑣昆刀剡炎精八葉承

宴安渭陵多藝史所傳建昭乙酉三年歲肇造嗇夫丞令星羅

躔駸駸陰氣盛沙鹿懷月已符政君卜賜予便蕃降內家紀

元乃復鉞陽朔陽平行序爭驕貴何異鴻軒及鱗次大廚想

照作美鯖虬脂怒挺芝蘭穗鐘磬喧闐鄭舞催土山漸臺高

巽崑家僮千指競攜舉壁帶金釭何有哉鉅平京兆無憑藉

輕擲牛衣撼恩澤身亡不待九因呼血化應先土花碧十侯  
五將總傾朝文母徒知守黑貂彌天步障一朝散詎有殘燄  
當風搖孤鐙冷落二千載泗水汾陰同顯晦內史風流獨見  
收耿耿涼宵短檠對檠光雁影兩差池猶憶西京晚祚時木  
門倉琅燕啄矢啄破綠綈方底鴻冥夫豈避雌伏瞥眼繁  
華同錠爛知公雞足山頭禮佛還宣和不錄傳燈錄博古圖  
不載諸  
錄

烈婦吟

并序

婦陳氏山東人睦州守趙公起梟姬也公得暴疾卒  
于官烈婦即日殉焉葬于郡東桃花塢

青青百尺桐枝葉空紛披哀哀彼烈婦視死忽如歸憶昔離  
青齊行行指吳越當君牽絲時是妾委身日升堂辭阿母再



拜慘不歡戚里共來集遠送之河干使君從門來車騎何雍  
容結以青玉佩貯以綠綺窗室中何所有錯落難具陳流蘇  
入寶帳四角垂錦茵頭上金雀釵耳著明月璫初七及下九  
挾瑟上高堂高堂深且廣參差蘭蕙發浮雲從東來白日忽  
西沒之江不可逾五馬徒踟蹰君命畢茲夕妾生當何如掩  
我妝時鏡著我嫁時衣渺焉一孤魂誓言長相依骨埋桃花  
塢血染桃花土桃葉復桃根誰知我心苦

瘞錢行

并序

海鹽金粟山南村名楊殿耕者於雷雨後啟墾得古  
錢甚夥閒有雷斧雜其閒錢皆趙宋年號予購得二  
百餘枚土花繡錯極可愛玩惜不知何時所瘞賦此  
以遺好事者

軒葛立幣傳尊盧九棘爰開太昊墟高陽事與譽貨遠虞庭  
策馬何班如伐山鑄金代則有貴通百物流五都豈知末世  
乃成癖索腐貫朽爭守奴甚或培埋作金穴猶希沒齒私之  
孳生不布施死含珠多藏厚亡理豈誣金粟山南金牛北往  
往寶氣騰扶輿人弗能知鬼先覺俄聞燕口雷轟車茂先雖  
志霹靂楔未言解作揮金鉏耕夫蛾集饁婦笑羣言天賜聲  
歡呼生砂活碧千萬計臨風盡作蠓蠓蚌銀灣野老亦好事  
以今易古當五輪予以今錢五易古錢一宋有當五折十錢攜歸笑倩姹女數生  
計平添二百餘晴窗細檢開紙裏黃牛白腹勝五銖紀年略  
備宋一代百三十五形模殊錢譜宋朝錢凡一百三十五樣惜無臨安銜牌  
樣三寸紅縉垂鑰魚孔行素至正直記宋季銅銜牌長三寸聊  
同卽墨二吉化常充坐上賓朋娛予舊藏卽墨吉化轉憶當

年瘞此客幾看華屋成榛蕪傾身尙爾思障簾癡魂未化神  
先祖昨夜夢中忽告我慎勿嗤笑愚夫愚君不見鄧通鑄錢  
富敵國幾曾持一歸黃壚

回碑歌

回碑空團團不救斯民飢江東末造昔爲此孫郎事業蓋已  
微由來在德不在禪七十二主安可希況乎皓也尤酷烈鑿  
眼剝面紛鉤鐵萬民咨怨了弗顧所在爭說祥與禩司空臣  
朝往被命吳志天璽元年遣兼司徒董朝兼太常周處至陽羨封禪國山而碑中僅載董朝蓋處實不預辨詳

予國山碑攷

皇華駟牡歌駢駢培塿固可作梁父饗餐何必非垂

衣到頭神語竟杳嘿徒令山鬼相嘲譏我因暇日理芒屨聊  
乘逸興窮煙霏眼明驚見詫異跡猶神駿乍脫韉斯也小  
篆邈也隸星斗錯落含珠璣凸中隱曳蠶尾瘦凹處翻成蚪

蚪肥年深剝蝕容詎免姓氏幸留臣建揮旃蒙協治受天璽  
千五百載同朝晞徘徊弔古徒累欵下視松櫟皆十圍安能  
攬雲作覆蓋不教埋沒濟如豨君不見嶧山之碑野火燒岐  
陽獵碣瓊還包又不見建業城邊石數段故宮禾黍秋風號  
當時若能保此國猶勝三馬食一槽

練湖雙節詩

梧桐園中百尺井上有鹿盧牽素綆桐枯綆斷井不波祇爲  
愁人照雙影君不見青陵臺青天白日狂飈迴精靈至久不  
相負化爲蛺蝶還飛來又不見杞梁婦淋漓血灑邊城柳無  
倩土石尙爲崩耿耿此心焉得朽吁嗟乎練湖之節何嶙峋  
爲君拂拭彈龍脣孤鸞寡鵠各腸斷恰邀月姊成三人

謁張忠烈公墓

南屏山頭樹撐鐵下有孤忠埋碧血山空雲散樹亦摧碧血  
團成鐵同熱君不見浮萍一昔遭雨擊海水羣飛白於雪何  
處輕艖尚可繫背倚金鰲立宮闕公時獨把魯陽戈欲挽羲  
和麾列缺百里艤幢蔽江下千仞石頭飛礮燕雞鳴埭畔露  
香焚鐵甕城高亦掀揭白雲遙望一軍哭桴鼓榮陽況連結  
羽書競欲名城射烽火旋看西浙達天於宋德久已厭運去  
空坑終一蹶八公山色寒蒼涼鐵鎖游龍滾江絕十九年來  
金甲破還汝迦羅不留蛻飄流懸輿軍已散并命江城皆空  
裂卽今孤冢鄰栖霞寒食年年芳草茁故鄉路隔遺裔盡野  
祭墦間定誰醴

聖朝寬仁超萬禩易名曠典昭忠烈相從卻憶諸義士穴傍

田橫葬猶渴

謂朱相玉張文嘉諸人

英雄事往雖已矣牧豎樵童忍輕

褻人心不死在後死麗牲特表穿中碣江海可塞天柱傾此石君看終不折

題宋槧王梅溪集百家注東坡詩集

東坡先生天人流學如退之蹈軻邱安知賦命落磨蝸有甚南箕困斗牛烏臺案急獄吏貴元祐罪魁朋黨鉤蠻煙瘴雨洗瑕謫崇山何異投鵬毆平生讀書破萬卷肯效男女徒啾啾嘲風咏月非漫與嬉笑怒罵蓋有由諸儒競欲作毛鄭百家箋傳何紛繆永嘉王氏最後出誓汰鉛汞存精鏐七十八門分類晰此書分門凡七十有八而邵子湘謂趙氏原本五十二門金華呂氏省爲三十二門王氏因之不審何憑二十五卷部次周嗣是流傳寢已失芟併恣意當誰尤皆三十二卷三十門其注則芟去什三四此本依稀尚宋槧銀鈎鐵畫參虞歐麻沙紙印建安梓能事各擅東南州何來關防慶元字元時知

作官書收提學兼司曝典籍職分想見多清幽開卷有朱文

路提學副使邵晒理書籍關防蓋此書在元時曾入迨乎濮

官而元制提學官兼晒理書籍又史志所未見也

陽重插架瞰眼又驚三百秋又有朱文長印漢陽李廷相雙

王戊進士此印神仙幾其脉望化背錦猶喜携蒲留明窗潔

亦幾三百年矣神仙幾其脉望化背錦猶喜携蒲留明窗潔

几試端帙古色黼黻香浮浮憶昔商邱老好事主張風雅臨

吳洲元之舊注苦放失元珠頗費象罔求邵子湘補束家補

亡已多事有識詎免相挪揄北平祕閣重什襲商邱宋刻本

直閣而我得此願亦酬編年分類各有體燕瘦豈爲環肥羞

紛紛世俗尙軒輊何異蠻觸尋戈矛拜經樓前梅月亞對酒

且盡花間甌人生萬事著夢幻玉兒終愧東昏侯蘄春士人

筆隨

拜經樓十銅器詩

湯金既成幣頡篆亦銘戈不句不倨閒一日三摩掌虞夏忽  
已沒誰能挽羲和

右商鳥篆戈

淒涼弩臺下萬古煙雨昏刃敗石稜圻鋒殫犀甲蹲寒風酸  
馬骨恐有賁父魂

右古鏃

團團古明月何來一雙鯉雖無陽嘉年宛有吉羊體錦書久  
不裁莫近東流洗

右漢雙魚洗

八稜含一舌清於風鈴語和鳴豈後鸞記里當先鼓顧聞宣  
和臣云堪節楚舞

右漢舞鏡



我有秦時鏡清光皎於雪不忍持照顏夜夜懷中熱直待熱  
化鐵相思乃斷絕

右長相思鏡

幾點鷓鴣斑半爲土花蝕引吭想雛年失足防暮節滯彼葛  
陂化無乃緣爾拙

右古鳩杖

雄兔腳撲朔榮於分虎竹一朝奪臥內禍幾赤而族不如南  
山下調水意亦足

右唐銀兔符

金鈴失雷篆棲鳳飄天風星斗半磨滅塵土橫相攻憑君且  
勿棄或可諧黃鐘

右古鐸

宋鼎昔再造禮備中興初流遺七百年古器誰復圖笑謂姜  
娘子勝嫁竹鴻臚

右南宋方爐

寶劍千金裘寒芒可切玉舒之干斗牛卷之不盈握歸去事  
猿公行將以觀樂

右吳季子之劍

宋槧分韻唐歌詩

并序

唐分韻歌詩一百卷南宋祕閣修撰趙孟奎文耀所  
編自敘謂與雪林子李龔同輯凡古今體詩四萬餘  
首作者千三百餘家其網羅可云富矣書刊於咸淳  
中流傳絕少昔毛子晉有殘本至子斧季屬其戚嚴  
拱侯之武進唐氏借鈔逆旅爲盜所誣至涉訟庭探

沸油而終不能全一時傳爲好書口實具詳斧季之  
跋斧季沒後此書流落吳中子曾見之雖吉光片羽  
而古香醜醜極可愛玩近烏程嚴君久能以善價得  
之并屬題詩卷後

南渡王孫耽韻事矻矻老作書中蟬古風未及兩漢代近集  
先自三唐探撐腸拄腹四萬首家千三百五十三部居州次  
各門類爬羅一一珠搜額大而山川包六合細至草木蟲魚  
蚍如入建章宮殿千門復萬戶坐令洞心駭目四顧爲迷愍  
年湮世遠知者少咸洎舊槩散若風吹嵐零圭碎璧贖餘幾  
有時流落琴川南毛公志古甚厥考少原有婦求其簪巧偷  
豪奪詎足怪燭湯請浴驚魂燂誰言痛定更思痛譬食諫果  
終回甘我昔吳游曾瞥覩牙籤觸手香醜醜至今時復縈夢

寐指動不異貪夫貪豈知展轉歸我友數有前定疇能參君

家屐屨饒祕帙張魏經術齊趁輝

宋刻張洽春秋傳魏了翁儀禮要義久能竝以善直

之汲古遺編歸有託渭城彷彿歌何戡

此本毛氏後歸蔣氏道何義門又從蔣借

校衰遲愧我都廢學懶散不異三眠蠶往往見獵尙心喜如

失柳下思魯男何當抽帆逕茗霽歸雲共給梅花菴

文耀葬李龔事

道場山巔峴山麓石臼桴飲窪尊弇醉來便喚雪林子瑤霰

細嚼滿塵談斯時參橫月落萬籟聽俱寂舉頭應見一泓天

水迢拖藍

南宋方爐歌 并序

爐崇八寸方徑六寸有奇重十二鍰雙耳四足前有

小方穴銘曰紹興二年大甯廠臣蘇漢臣監督姜氏

鑄至德壇用凡二十字皆篆文四面如一旁作雲雷

文與王新城居易錄所載見于孔東塘者無異漢臣以繪事供奉兩朝而姜氏漁洋謂卽姜娘子其熏籠最擅名故方爐製作特爲工巧至德壇雖未見于朱志及咸淳臨安志夢梁錄等書觀此亦可見中興典禮之備具騫藏此爐三十餘載頃者廉使錫山公新建蘇文忠公祠于孤山將以文忠同事諸賢配食別室甚盛典也落成之日騫不及預今年秋九月華秋槎郡丞招集望湖樓因以爐歸祠中爲燔燎器計爐之成雖後文忠三十年然監造者適與文忠同姓則爐之歸于斯祠尤宜是日廉使適來游屬同人各賦詩以紀其事

天水國以火德王至德壇歲隆禋嘗鑄鼎象物神姦藏父丁

母王巧趨躡洪爐熾炭規取方首山之銅百鍊鋼和以金屑  
萬寶囊赤松視齊謹陶量女媧銜術宵騰光范金合土吉日  
良云誰作者治氏姜銘成籀篆兼沮倉鵠頭蠕扁蠶尾揚環  
列四周虛中央饗饗雲雷輔珥璫雞彝鳥彝奮激昂圓壺方  
壺參雁行炳蕭合黍班羶薶埽地而祭百神禳宣和舊譜喧  
蜩蟬良岳灰飛禮器亡承信丹青遠擅場

漢臣官至承信郎

想摹古

制式鼓坊流傳到今竈幾煬歲月無異炊黃梁西湖重見事  
豈常以蘇配蘇適相當望湖樓高登夕陽水仙祠下寒泉芳  
千點殘荷露粉灑萬山金粟蕊堆黃解我龍圖清俸囊風篁  
龍井遙相望公神降鑒歲屢穰前招三辰後鳳凰名山大川  
語煌煌

李方叔祭東坡先生文

羣賢配食禮典詳奉爐九拜躋公堂胖

嚮千祀期毋荒

秦永受瓦研歌 并序

子得古瓦當一缺其左半右半有永受二字據江氏  
德量程氏敦秦漢瓦圖左半乃嘉福二字蓋秦瓦也  
海鹽張君芑堂吳君侃叔竝有題識吳君謂篆法絕  
似秦璽文及比干銅槃銘定爲秦瓦無疑子細觀其  
質堅緻貯水經旬不縮迥非漢瓦所及有人琢以爲  
硯形若新月亦可供文房清玩漫係長歌聊附吉人  
甘泉瓦研之後冀同志者屬而和之

秦家離宮三百所土木窮奢極九宇六王滅跡靡不仿百二  
關河天獨子蜀山旣兀阿房出瓊室瑤臺難竝述魏闕高來  
近斗牛陶人尙取儒坑血樓下招搖五丈旗雷霆驕麟宮車  
馳內家脂水雖橫棄不救咸陽烈燄時楚人競逐原頭鹿劉

蹶羸顛幾翻覆死灰千載不復然狼藉落痕上階綠伊誰拾  
此一片瓦細洗蟲魚如洗馬得非覓自望夷間李斯小篆趙  
高寫永受嘉福雲鸞翔蒼壁忽判而爲璜季重題名茂先跋  
後先鑒別審且詳迎風曲解何草草燕說那知郢書好倘準  
吉光片羽例此瓦翻因不全寶辛苦良工琢眉研匣裏蟾光  
裁露半卻似長城始築時團欒不許人閒看憶昔周宣中興  
初岐陽獵碣修改車羶包駝致貢太學韓蘇椽筆追那與卽  
今嶧山刻石疇復問銅爵香姜同一瞬幸是挾書之律久已  
除不妨伴我間鈔過秦論

商父已卣歌

岫嶼神跡祕莫窺禹嶽湯桀久淪沒先生示我商古卣恍若  
潔蠲嚴對越更繫長歌清且麗攷稽奚讓呂與薛三字銘錢



兕其左寓形彷彿犧象括周禮注中尊謂獻象之屬按獻

占比罰觥殷家錄質體貴素無取雲雷狀饗饗不大不小斯

為中上彝下罍記嘗曰司尊故可配雞鳥盛鬯要無分鬻鬱

憶昔廟社始用脩康成讀滌蕩音聲樂三闋當其將裸未裸

閒奉以周旋猶特達禮書云占受鬯之器古者人臣受鬯以

實彝矣先王首重在孝享持戈執七隨所發宣和博古圖有持

丁占並自從微子抱歸周中更羸顛與劉蹶禮經殘缺鐘虞

墮瓦甌轟轟競喧聒猶言在德不在物九鼎千秋懸一髮雍

己之祀且忽諸賴有勳銘可昭揭先公昔分汾陰符如以蘭

薰救民渴仁風化雨浹南國蔽芾甘棠期勿伐歸裝磊落賸

此器何異輕舟石載粵以茲聊當簾金遺巧不能偷豪不奪

我聞賢者必有後祖厥孫觚互提挈願君什襲待圭瓚江漢

他時作詩楫

贈周季子

季子賢乎哉父執謬視予白圭日三復養德甚養珠自嗟早  
孤露宵中泣臯魚時而抱眎我手澤存遺書賢聖迹已遙大  
雅輪誰扶先子故遂學經訓勤菑畚沿洞百家流蹠蹕千載  
途孰也躋其馘孰也味其腴凡諸所津逮自儆當世儒惜乎  
未盡出采掇供石渠伊余夙禱味猶辱回青臚縞紵一以投  
金石要弗渝良時輒過從酌醴或燔枯借書無勞紙調水甯  
假符出入虻憐蛇生計樵偕漁祇今塊獨存局促轅下駒聞  
諸往詰言爲善慶有餘相期策高足天池采芙蓉手弄千里  
霞光照五雲衢升沈雖異勢慰懷當何如

石函湖道中卻寄魏叔子

葦花如雪映波明月落沙隄一帶橫旅夢未成歸路遠夜深

沽酒過臨平

馮克家

字接堂海甯增生著不厭樓吟藁

杭郡詩三輯接堂續學粹行嗜吟詠至耄不輟其稿經吳冕牀審定錢宮詹竹汀題其卷端云小馮吾舊識儻最能詩不忘趨庭訓因披縷雪詞杖藜天與健避席眾交推何日龍山路相從六枳籬

六十六用白香山韻

晨起照明鏡白髮來不速往識三十三

余少時薄植術者推五行止此浮生

六十六八月叢桂芳一杯浮蟻綠無波井已古不鳴雞如木

養拙將移居擬種數竿竹計日報平安吾欲良已足

袁錫瑚

字仲連新城恩貢

杭郡詩三輯仲連性孝友侍母病躬親湯藥數月衣不解帶兄弟四人仲連居長家業一歸諸弟以節穀自給教諸生先器議後文藝邑士多出門下寶學使光霽奇賞之弟錫理歲貢生亦以文行著

續山谷演雅

書蠹一生但食古怪安鳩拙豐毛羽角上蠻觸太紛爭網中  
蜂蝶何莽鹵長虹吐氣空自豪尺蠖求伸亦無補矯矯鳴鶴  
出塵表冥冥飛鴻渺天宇鷓鴣一枝且寄巢蟋蟀十月猶居  
戶時哉雌雉山梁作曠矣飛鳶性天悟鵝籠天地覺寬閒蝸  
壁蚪蚪矜摹撫危險無知幕燕安文采自憐山雞舞巢睫蝶  
氓細已甚止隅黃鳥知所處乘時而出噪知了貪得無厭笑  
蠅虎鴟鴞號寒聲可憐慈烏反哺孝堪觀鸛鶴先識吉凶事  
雞鷺爭食安樂土鞠通神奇擅知音蓼蟲辛辣甘習苦食苗  
蝗競作蝨賊啄木鳥知學禹步反舌鉤朝口工讒蝦蟇彭亨  
腹如鼓鴟鴞毀室性太殘鴻雁來賓候可數海上蜻蜒人與  
游溪頭青鷓子能吐蝙蝠黃昏飛寺門商羊欲雨舞庭樹高

岡鳳鳴應祥瑞大海鵬搏慶遭遇無如爾雅陋不文撮拾蟲  
魚自箋注

鈕世楷

字鷹若號草亭嘉興諸生

斐亭詩話草亭幼穎悟十歲通五經年十四節善吟詠  
尤工小令長益刻苦自勵居斗室風雨不庇一燈如豆  
執卷呻吟雖廚無宿儲弗顧也嘗有  
四書考異草亭詩古文集秋樹根詞

和元人薩天錫過嘉興詩同朱倫表作

野色無山可百里輕橈曉渡鴛鴦水春來湖上櫂歌聲散入  
人家煙樹裏風前燕尾掠晴沙昨夜五更嘸落花千絲不結  
西施網石上吳娃自浣紗百年水調斷還續夜夜江邊聞裂  
竹老龍竊聽潛蛟吟一天花月搖新綠

張節婦詩四章

有序

節婦姚氏吳江人歸楊園先生孫聖聞夫死欲從投

水不得一餓數日復救甦後依姪宏以老死二日復甦曰去去急昇櫬返楊園葬焉其姊歸夏編修開衡夫死自縊時稱雙烈

吁嗟乎張母心與秋月同白復與秋霜比烈秋月秋霜萬古長此心炯炯永不滅

吁嗟乎張母竹死不改節菊死尙抱枝楊園有故居去去安可避如彼古大賢兢兢易簣時

吁嗟乎張母非效首陽之餓卽作汨羅之投不見豹首山狐首邱

吁嗟乎張母有姊有姊兮磨笄于山千秋節義兮同豎人竄

朱

復

字秋濤號少谷秀水諸生著青桂山莊詩

孫融曰少谷爲竹垞先生從孫性樸質不事雕飾人服其誠

淮海賦歸招諸同人集青桂山莊

梅花坐對引杯長  
草閣尊開柏子香  
千里塵容催短鬢  
十年舊夢話滄桑  
論文有客倉誇富  
刻燭何人句欲狂  
莫漫衡門嫌徑僻  
相如四壁勝他鄉

纔脫征衫意自閒  
鷗盟重喜聚鄉關  
那堪話舊高陽伴  
好共追陪供奉班  
春到正宜盤翦韭  
詩成誰笑飯爲山  
故園常此聯吟屐  
仲蔚蓬蒿久已刪

胡

滄

字東軒石門貢生著東軒詩鈔

石門詩存東軒先生梁園之封翁也持家有法梁園費後仍不假以詞色性喜陶詩亦有逸致許淮祥曰君性澹泊有隱士風所作語溪崖歌采入縣志

爲烈婦方氏作

夫死鴻毛輕婦死泰山重  
法急勿犯鋒徒恃血氣勇  
投身入

網羅手足旋攤腫忽聞昇尸還赴義不旋踵蹈河復懸梁終  
不恤遺種時已有孕六月同衾裯千秋共邱壟湛湛青天高鬱鬱  
墓木拱卓哉奇節成何時荷

天寵但有行路人嘖嘖指荒冢

秋夜

地僻無人到秋風早閉關每憂經事少還喜置身閒月色寒  
蘆上蟲聲亂草閒倦來憑几臥清夢到廬山

程

綸字伯垂號葦村桐鄉

石湖山房詩話葦村少爲諸生負盛名性豪  
縱嗜飲工書嘗游滇南擔囊挈篋得詩甚富

舟發當湖

古堞留殘照寒塘落晚濤湖連三泖闊天入九秋高白髮悲  
親老青山笑客勞劇憐佳節近誰更共題糕



早發烏戍

柔櫓下遙汀，寒侵客夢醒。  
溪煙籠曉月，潭水浸春星。  
倚棹看鄉樹，留題憶驛亭。  
東風曾幾日，草滿故園青。

俞

萼

字幼蓀，號客山，歸安諸生。著小浣花草堂集。

登弁山絕頂

弁峰高入雲，去天可咫尺。  
我來登其巔，寒露滴空碧。  
怪石立鬼魅，老樹盤蛇蜴。  
晨光豁林樾，頓覺天地窄。  
具區駭心目，浴日波濤赤。  
蘇黃都好奇，絕壁亦杖策。  
獨立懷古人，風流渺無跡。

暮秋聞官軍平金川

聞道金川定

王師奏凱歸，三年勞血戰。  
萬里振

天威絕塞烽煙靜秋風班馬肥跳梁徒恃險終自蹈危機  
荒服烏蠻種春秋入貢頻連兵矜險絕

天討靜邊塵

王者真無外行師若有神

仁恩深雨露正朔萬方遵

姚

觀字懷古長興諸生  
著懷古僅存藁

仲秋甘露禪院

八正門開玉露鮮秋風乍起月華圓吟蛩作意勤催續過雁  
欺人冷攪眠塵世界無三竺國婆心中有大羅天靈臺皎澈  
如明鏡不動天君得泰然

胡培因

字仲銘號慕菽長興  
諸生著梧陰齋詩集

石宕山

兩浙輶軒續錄

卷九

姚觀 胡培因 施垂青

五

石宕雲深嶺半遮小橋隱隱有人家春風春雨城南路最愛  
迎春一樹花

松雲山

西郭多幽趣濃陰雜翠微雲藏松下屋風掩竹邊扉夕照侵  
苔徑清涼透苧衣盤桓情不盡悟道欲忘歸

施垂青

字綬珊長興諸生著卻病小草

周行仁序略先生少膺痼疾年未三十卽棄舉子業殫力於詩每至嘔心刻骨時舊疾輒作故所爲詩不多今之李昌谷也

病中

哀哭能焦肺

語本喪禮予自先君子棄世頻頻嘔血或曰肺病

沈思欲嘔心臯魚空

自苦癯鶴尙能吟有客憐羸疾教子豁素襟涼風北窗下陶  
令可張琴

塵慮貧逾淨詩情病更高功名兩蝸角生死一鴻毛造物欲相困吾徒安所逃平生五字句未肯近牢騷

吳正方

字東逸長興增生著呻吟集在野堂詩鈔各一卷

縣志正方性孝友篤志經書屢躋場屋遂專力于詩出入漁洋愚山閒有妹適孫夫亡家人欲奪其志自經遇救不死正方迎而養之七十餘卒歸柩俾合葬人以爲有古風尤精推步著有天文圖攷

下若寺

一樹陰延五畝餘藤青竹綠護幽居四時日月虛庭戶九夏風霜逼屋除雨後苔深行得得花前茗熟啜徐徐已公不厭輕狂客每賦新詞過佛廬

龍華寺

古剎護雲林幽尋一徑深瀑飛喧野碓松老挂苔岑霧斂紅亭出嵐凝蘚洞陰諸天長習靜趺坐滌煩襟

對月

對月能無恨，臨風獨有思。  
魂銷人定後，淚落酒醒時。  
玉作生埋痛，珠無再返期。  
分明前度事，聲影悵迷離。

九日白鶴嶺登高

風物今辰美，登高酬歲華。  
赤明楓岸葉，黃綻竹籬花。  
勝濟童供杖，歡清僧鬪茶。  
鶴峰直北望，煙靄掩吾家。

尋舊

裙屐當年集，天衢小市東。  
張燈憐酒綠，聽雨惜花紅。  
斷碣埋秋草，高幢立晚風。  
三生石上話，惆悵有誰同。

阻雨

如幄紅英雨裏休，蕭蕭春暮似殘秋。  
泥深懶著游山屐，風急難牽放鴨舟。  
兒作粥綠聽客話，樽需酒慣向妻謀。  
蒼騰且作

無何飲得馬亡羊賺白頭

物華

廿四番風過棟花草茵林幄望無涯牆梅雨細紅初綻窗竹  
雲寒綠半遮龜分泥塗非失策蛇成赴壑莫長嗟料量生計  
餘柑酒衰老猶能管物華

予每督課兒子輩妻輒云且飲酒當時不以爲然事後  
思之幾如司馬德操之傾倒矣漫賦以誌篤論

酒外區區安足論每思好語動人心木奴堪笑貽千卷寶劍  
空憐直百金漫詡龍鱗優其劣柰爭梨栗古猶今兒曹愚智  
關天命況此樽前老欲侵

予詩嬾不復存生徒請示舊作追錄百餘首復作此示  
之

吹萬調刁偶不同何須畫爪記飛鴻品題長笑張爲拙什襲  
還憐白傅工敢等親疏教相馬見淮南子終成辛苦學屠龍流傳  
須待官三品可柰頭銜署稼翁

憶舊

青帘閃閃映溪隈破寂消愁憶幾回爲問縹醪新熟否杏花  
開後擬重來

風雨有懷天池

風雨蕭蕭黃葉庵長明燈下守蒲龕筆牀茶竈今何處書畫

船中憶阿南

戴

高

字綠疇德清諸生著綠疇詩稿

綠庵詩話君歷就江浙郡邑幕主錢穀子與識于南屏  
山舫長身修髯目光炯炯善清談晚年倦游里居課孫  
自遣詩工五律宗法右丞

筠公靜室

蒼蒼九里松靄靄兩高峰每日茅檐下閒雲掃幾重如觀巨  
然筆偶踐墨超蹤相對了無語但聞空外鐘

示衣坂

太守精靈在寒雲壓郡城艱危持大節辛苦撫殘兵想見登  
陴日如聞罵賊聲至今沙草上神馬破空行

湖上展張忠烈公墓

懸輿孤臣淚滿襟南天風雨晝陰陰星河難挽猶援手國脈  
微延未死心夜壑已隨銅馬陷霜鐘還應鐵龍吟牧羊和曲  
聲悲壯欲問蘇卿何處尋

圓土南冠尙漢官斷魂山色繞江干潮回滄海黃塵捲日落  
荒原碧血寒四鎮蟲沙誰撫劍八公草木舊登壇行人指點



南屏路岳墓于墳一例看

董

璘字炳齋號圖

李世沐曰先生少任俠善擊劍閉戶十年繪直省郡縣圖二百餘幅壯而出游足跡幾半天下李忠毅公總制浙閩以上客禮之延問計畫深相器重及忠毅陣亡先生亦不復出矣

金嶽山

高峰插天青突兀梵寺森森坐古佛琉璃彈指金碧光素鶴  
銀鸞炯毫髮此是州城南案山山花不老山鳥閒欲采靈芝  
更須上下視齊州九點煙

葉

基字文階號小坡慈谿人

雨後重游秦淮

一雨秣陵秋鄰鄰碧水流爲尋桃葉渡重上木蘭舟楊柳可  
憐色琵琶何處樓漫言歸棹晚游興正悠悠

張志莪

字械奇鎮海廩  
貢官義烏訓導

望湖樓

錢王吾不見勝跡壓南邦  
山色圍三面湖光納一窗  
酒香楊柳店人隱木蘭艘  
等是遺樓在何堪弔望江

高崇文

字廣鑪號竹澗崇  
元弟山陰貢生

姚椿傳略君天性篤摯親喪釋服遇忌日必素衣冠加  
葛帶慘容竟日春秋祭墓裴回不忍離終其身如是長  
兄崇文以好施故儲蓄一空君能體其志遇有義舉必  
傾貲成之嘗擇地葬親故之無主者若干家其貧不能  
舉喪得君助而藏事者不可勝計生平無華美之飾無  
豪侈之樂見所為家訓數十條有曰事親孝非言語可  
喻當從心坎中流出曰欲教子孫先從己身立標準曰  
覺而不改下流之漸曰處世去其自賢自是氣象君之  
所訓於倫紀日用推明曲暢此尤其切而要者子孫遵其  
教咸尚敦樸戚鄰多稱之緝雅堂詩話余觀竹澗先生事  
略喪祭哀敬非孝乎惟孝與體兄之志以廣其惠非友于  
兄弟與晚近政教放失安得如先生者表率而整齊之本  
孝弟之化威仁讓之治人才日多外侮自息矣讀薄俗詩  
爲之慨然

薄俗

武林古大郡里巷多綺紈年少輕薄兒麗服跨雕鞍盧雉晨未已箏琶夜方闌沈酣日荒宴黃金信手彈昨猶富家子今夕無盤餐風愆古有訓薄俗良可歎譬彼桃李花爛漫易摧殘不見松柏樹青青耐歲寒

李念吳

號呢青山陰人  
候選鹽大使

述懷四首留別同人錄一

又向江關折柳枝風光正好浴蘭時亦知

聖代求賢切敢道書生獻策奇春水桃花江上路天涯芳草  
夢中思題橋欲下凌雲筆愁絕河梁賦別離

黃

璧

字拱圖餘姚人  
著西野吟高稿

宗稷辰傳略黎洲歿後門祚衰微而一脈孱風爲世壇  
坵代有名諸生騷雅淹博先生於同懷五人實爲主器

孝友性成撫育諸弟二老怡然爲詩屏斥浮豔六朝綺  
麗之詞概不寓目樂道安貧不嗜榮利魯皮行拾遺金  
立待後時失主尋至還之而歸鄉黨有爭者見先生至  
各自慙而退教人爲學以返求諸身爲第一義中歲遭  
祝融故居蕩然卜築城西置田課耕日使兒  
輩知稼穡艱難也晚顏所居曰西野吟窩  
穉圭三弟秋賦得薦喜而有作

驚傳捷報到柴扉垂白高堂喜可知一代文章關氣運百年  
忠孝煥門楣遺書豈爲科名讀舊德常存里閭思不見鯤鵬  
九萬里搏風翥海任人爲

吳

櫻

字含先上  
虞歲貢

芙蓉曲

耶谿無風花氣靜琉璃倒浸芙蓉影溪上女兒蕩槳過盈盈  
襪底生微波鏡中羅翠淨如拭日暖絳雲無氣力小姑歸去  
晚妝淺笑把芙蓉比顏色

張應倫

字延雷號東軒臨海人

三台詩錄東軒獨儻不羣好劍與書畫工詩居家以孝友稱齊宗伯息園侯縣丞彝門皆與東軒有唱和詩戚學標曰延雷嘗於靖越門外拾金百兩少頃有啼而至者問其數合卽還之

做韓昌黎三星行

天南星有箕天北星有斗翳維彼牽牛介在河左右箕不俱  
簸揚斗不挹酒漿牛名無其實奚以資服箱嗟乎汝三星徒  
然爛其光何如空所見月白風清涼

海門

巨靈高掌擎崔巍吞吐洪波萬里開  
灩影中流懸日月鐘聲兩岸吼風雷  
紅爐夜湧金烏出白馬朝從碧落來  
欲借雪山濤一片乘槎從此上蓬萊

張相韓

字靖君仙居拔貢著趣園稿

石龍山

潛龍貴勿用陽氣正潛藏山勢凌雲峭林陰帶雨涼修蛇盤  
怪石歸雁叫橫塘落日催人去題名字幾行

張

鷓字紫山仙  
居廩生

仙巖謁文信公祠

陡絕仙巖洞中存信國祠孤軍成大節曠代起相思卻特天  
方啓廬陵事可悲厓山風雨暗忍淚薦江蘼

王

璐字佩章  
金華人

秋夜有懷

秋夜何所思伊人淡如菊舉頭見明月定照幽人屋庭前颯  
颯梧窗外蕭蕭竹盃酒儻消愁不辭醉千斛

山居

閉門無所戀長晝與閒愁細草眠雲靜疏鐘出寺幽心隨流水去夢與落花浮臥榻迷人迹頑然麋鹿儔

卽目

春風度幽香徘徊覓新句流水寂無聲小鳥銜花去

胡廷梅

字德彰  
東陽人

金華詩錄德彰詩幽邃精拔當時擬以劉春虛  
儲光羲一流雖稍過情然雋骨清思亦自不俗

古詩

脈脈寒溪流落落老樹林結廬於其閒可以挹清音有客攜壺至洗醖爲我斟相對傾一醉涼輝在高岑拂袖起延月浩歌明素心

化潭垂釣歌

朝羨化潭魚暮釣化潭月化潭之水澄且寒化潭之月潔於

雪清風拂拂林下來披襟當之脫塵埃波搖兩岸天一色卷  
綸拂竿重徘徊嗟吾潦倒多隱憂濠梁之樂輸莊周白魚如  
玉得兩頭歸須沽酒傾觥籌仰天大笑掉頭去美人千里空  
悠悠

馮世魁

字冠五西安人著聽鶯亭集

鄭萬育撰行述馮子冠五不羈才也性落落利無所動  
樂菱湖風景移家就之搆亭于別圃顏曰聽鶯二三知  
己嘯詠其間

白雲巖秋意

山居初入夜秋色繞空廊月滿松枝細風生竹態狂竈添新  
掃葉几煖未殘香小飲澆書後蛩聲正在牀

汪本良

字秉初號秋江江山諸生著自怡集二卷

劉佳傳略先生少時父旭齋公患寒疾垂殆先生禱於  
神剖臂療之友愛兄弟待親戚故舊咸有恩紀中年棄



舉業一意爲詩戊辰冬佳訪先生於溪  
上老屋數椽婦子雍穆有鹿門之風

贈洪思顯

出門貪利涉訪舊到書齋  
一院花竹野有人琴畫佳  
老莊都已熟皮陸未應乖  
別後相思極山巔又水涯

梁

炳字豹文清安諸生

縣志豹文性穎悟博通經史受業於方朴山文名與梁文莊頴頴習書畫耽吟詠恣情山水游歷燕趙關陝滇蜀黔廣遇異人授祕術治病有奇效著桐陰草堂詩集十卷

金墉城

八王自屠滅惠帝本童昏  
此座眞可惜無人孰與存  
縱行羊祜策誰殛賈充魂  
淒絕金墉裏年年負至冤

柴一諤

字勝千號殖庭瑞安廩生

秋聲

金商一夕打簷過蕭瑟頻添秋思多萬里征鴻關塞月無邊  
落木洞庭波冥搜誰似歐陽賦觸緒難忘宋玉歌最是愁中  
聽不得夜深人靜更如何

戴信準

字元宗號畏園瑞安廩生

上馮公嶺

昨宿卻金館疑在雲中駐誰知此路遙巍峩方起步奔雷腳  
底生飛鳥杖邊度僕夫向前導連袂爲蟻附足掉手先捫目  
暝魂猶怖逡巡垂二分時虞風引去懍懍未敢行中道欲且  
住奈何金玉身而來攬恐懼同人怪我怯云君誠過慮世途  
盡險巖趨者日爭赴旣踏名利場安穩更何處聞言強進陟  
呼吸通雲霧三復行路難隕泣同雨注

浩然樓

孤嶼留題處危樓面面開當年幾酒伴曠世一詩才老至終  
無遇君明尚見猜余生感飄泊臨眺不勝哀

歸渡富春江

楓岸夕陽秋人歸一葉舟灘風疑雨集江火帶星流失路身  
應賤離鄉骨易柔故林生計好禾黍熟平疇

書錢牧齋集後

山河故國付荆榛灰劫餘生恨逐臣操簡未應承志罕捐軀  
翻爲荷恩深羞齊淵儉稱名士悔續膺滂冒黨人紅豆晚途  
崇佛悟可堪回首話前因

書吳梅村集後

魚鳥江湖舊本寬朝冠何事又新彈詎緣東觀書頻促應是  
西臺淚已殘白髮翻知塵綬誤黃泉終覺布衣難柴桑紫朮

年年裕孤負秋風幾度餐

吳志健

字克繩龍泉巖貢自慈谿訓導著燕遊草紀勝集吹竽餘韻

縣志志健性孝友嗜學好古尤精篆刻有世美堂印譜任慈谿訓導修學校立課程多所造就以艱歸里諸生遮攀思詠有九年教澤三春雨一片歸帆兩袖風句蓋紀實也賦歸後杜門卻掃絕迹公庭邑令李肯文贈以詩曰身範有人知郭泰風雲無路近滄臺其推重如此

雲隴春犁

村林桑柘綠陰齊滿隴雲深夕照低布穀一聲春雨足隴頭耕破落花泥

黃鶴嶺

無復真人駐空留黃鶴名松擎寒澗古雲度碧巖輕逸翮今何在仙幢不再迎飛昇終是幻未敢學長生

留槎閣

劍水駐仙槎靈洲隔雙渡高閣峙其上登眺得真趣雲樹繞  
菁蔥煙波狎鷗鷺蘇米筆有神千秋增慨慕年來歎傾圮荒  
基竄狐兔李侯神仙姿登高工作賦治績旣維新華構亦復  
故勝地蹟不湮河源尋有路人傑由地靈看躡青雲步

趙大奎

字槐庭山陰監生官順天石  
港口巡檢著松濤詩文彙

陶澐宣曰君初籍上虞至君始改山陰少有高才沈頓  
下位官事之餘不廢著述著月令廣義地理指歸諸書

越王崢

霸圖何處是千古越王崢空谷連營密長江走馬平風雲猶  
有陣草木不疑兵四海爲家日疎鐘野寺鳴

錢鳳飛

字等耘號檢堂上虞  
諸生著亦愛軒詩鈔

江邨

水淨沙明宿雨收此鄉邀我小句留一帘疎柳三家店半桁

斜陽獨釣舟人過竹籬驚吠犬潮平葭岸穩眠鷗遙看翠積  
西山麓擬結茆廬最上頭

陳志學

字聖基號少亭上  
虞廩生箸穀吟集

和謝淡峯登香爐峯韻

東南形勝簇層巒蘿葛攀躋路鬱蟠石勢欲摩星斗近松聲  
半捲海潮寒詩成絕頂原無和花放深春更耐看八百湖光  
來眼底始知高處有奇觀

徐

純字遜志號寶  
華上虞人

甘露寺秋眺

寺自東吳建山看北固晴開門春草色小閣暗泉聲夕照金  
壇路連江鐵甕城老僧談往事不覺暮鐘鳴

兩浙輶軒續錄卷九